

公共圖書館自一九九一年起舉辦「全港詩詞創作比賽」，單年比詩，雙年比詞，旨在提高市民之中國語文運用及韻文欣賞的能力。今年舉辦的「第二十二屆全港詩詞創作比賽」，已是第十一度的「填詞比賽」。評審委員有何文匯教授、周錫韜教授、陳志清教授、黃坤堯教授及劉衛林教授。

比賽分學生組及公開組，詞牌為〈夜遊宮〉，題材則由參賽者自定。今屆的參賽者非常踴躍，共收到六百多份參賽作品。學生組參賽者來自各大專院校及高中學生；公開組參賽者則來自社會不同階層。是屆參賽者的作品水準甚高，評審委員經初選、複選，反覆討論，才能決定名次。為確保評選公正，整個評審過程採用糊名方式進行。評判團更約見了學生組入選參賽者，並要求入選者即席對聯，才定出優勝作品。

學生組

冠軍

羅光輝 香港浸會大學

〈夜遊宮·春憶〉

雨後春光又老。算唯有、落
英知曉。滴戶敲簷聲未了。
晚來寒。點螢燈。翻舊稿。
最是紅顏笑。夢初斷、去
年芳草。燕剪東風音信杳。
想柔情。似楊花。吹更少。

亞軍

劉奕航 香港浸會大學

〈夜遊宮·詠陳恭尹〉

輾轉天涯獨漉。問何事、父
仇難復。南北干戈一相逐。
歎中原。遍胡笳。非我族。
怕見巢堂覆。為存卵、忍
餐周粟。楚澤休提葬魚腹。
國雖亡。對蒼蒼。心可掬。

季军

杜嘉賢 香港科技大學

〈夜遊宮·詠霧〉

看似柔絲未定。乍侵面、春
寒驚醒。遽失樓臺遮暗影。
泛輕煙。蔽浮塵。晨亦暝。
舉步巒宮嶺。儘呼喚、依
稀難省。我自軒昂揮斗柄。
掃陰霾。誓澄清。天宇靖。

優異獎

文字澄 珠海學院

〈夜遊宮·春日記閑〉

夢醒春來日煦。又懶起、卻
聞鶯語。乍見庭前舊時樹。
葉扶疏。伴嬌紅。枝上數。
縱把迴文賦。只應料、錦
書難付。誰使鈿箏拂絃誤。
淚沾衣。盼周郎。猶再顧。

〈夜遊宮〉

姚心平 迦密中學

十里露寒煙濕。欲洗盡、海
棠顏色。春鎖闌窗燭無力。
怨情濃。淚難乾。愁易織。
愁損花間客。倩誰伴、添
香弄墨。玉笛金尊費相覓。
夜如膠。月漣澄。橋影碧。

〈夜遊宮〉

韋銳 香港中文大學

柳絮東風細細。又寒食、梨
花憔悴。望斷鄉園返無計。
想孤墳。染黃沙。荒草裡。
寂寞殘陽墜。淚聲咽、離
情何寄。來日清明新雨霽。
踏青山。看春虹。誰與醉。

優異獎

湯楊帆 香港浸會大學

〈夜遊宮·春陰〉

最恨春雲不散。鎖山色、更
愁遮眼。欲寄歸書亦無雁。
苦春長。苦春孤。秋尚遠。
黯自憑闌晚。問情思、怎
生排遣。月隱何需執意看。
正梨花。未醱醺。應已滿。

黃照 香港浸會大學

〈夜遊宮·遊永利街〉

墟市塵囂遠去。乍踏入、桃
源深處。凝目唐樓百年樹。
鐵闌干。舊情懷。難鎖住。
躑躅南山路。一塵裡、騷
人何遇。自把空階凌亂數。
盼尋來。野黃花。寥落句。

特別獎

張瑞芬 香港樹仁大學

〈夜遊宮〉

昨夜寒燈濁酒。望弦月、倚
闌回首。分手躊躇衣帶柳。
散浮雲。隔天涯。人去後。
對月難酬友。枉思憶、問
君知否。五載猶如萬年久。
盼歸期。共清輝。相執手。

黎智豐 香港中文大學

〈夜遊宮〉

暗水閒花蝶影。北風漸、杯
觴微冷。弄月懷星醉難醒。
擁衾慵。夢迷離。猶泛梗。
柳折分殘鏡。淚傾盡、雲
泉清聽。錯把情絲寄青杏。
幾春秋。兩相忘。桑濮詠。

公開組

冠軍

黃以芍

〔夜遊宮・蟋蟀〕

何事淒鳴不已。獨來去、露
叢霜砌。唧唧寒聲侵客寐。
怕西窗。夜眠人。都喚起。
擬學芭蕉意。把幽怨、捲
回心底。泣處還疑疏雨至。
試掀簾。月橫天。秋似洗。

亞軍

李藝明

〔夜遊宮・壬辰琴會即事〕

舊譜焦桐復按。故鷗聚、忘
機忘倦。素指吟猱羽商轉。
弄梅花。泛滄浪。歌哨遍。
共倚斜陽晚。茗煙淡、玉
爐香篆。接意餘音久繾綣。
境悠然。洞庭秋。雲水遠。

季軍

焦磊

〔夜遊宮・壬辰春謁弘一大師塔〕

草色絲絲碧軟。石塔外、山
花乍展。古道長亭如夢短。
數聲鶯。柳梢頭。輕繾綣。
萬法何嘗斷。任銷盡、華
嚴經卷。說有談空徒汗漫。
會心時。祇斜陽。風笛晚。

優異獎

方富永

〔夜遊宮・夜雨〕

一夜廉纖細雨。綺窗下、翦
鐙私語。可奈沈沈深院處。
滴空階。蕩迴腸。情幾許。
縹緲籠煙樹。乍吹起、亂
英飛舞。數日陰晴換芳序。
燕歸來。柳依依。縈萬縷。

吳碩駿

〔夜遊宮・題沈園〕

柳老吹棉漸遠。沈園上、暮
鴻飛斷。寂寞池台藻荇亂。
獨憑闌。覺衣寬。人繾綣。
夢別憐君怨。菊花枕、玉
容重戀。目送斜陽照深苑。
折釵頭。嘆千年。餘宛轉。

袁瑞昌

〔夜遊宮・夜探獅子山〕

一嘯驚天震壑。臥獅險、如
臨西嶽。絕壁懸崖鳥不落。
夜中環。色紛紛。光灼灼。
幾點寒星爍。半邊月、隱
傳宮樂。嶺外浮雲堪踏腳。
訪嫦娥。赴瑤池。登寶閣。

優異獎

潘少孟

〔夜遊宮・舊照片〕

舊物重翻肖像。乍驚覺、少
年狂放。正是青春任來往。
劍橫磨。嘯高山。聲震盪。
鏡裡風塵頹。細端視、眼
神迷惘。老去時名再三讓。
且看花。讀奇書。無異想。

嚴偉

〔夜遊宮・上庠畢業退宿有作〕

綠柳搔頭別浦。聞社燕、舊
椽歸語。滿牒離愁滯雙櫓。
又何人。為余謳。長笛賦。
立馬踟躕旅。漸遠遠、三
番寒暑。應是情深戀留處。
盡那般。小窗幽。晴還雨。

特別獎

施教農

〔夜遊宮・春風〕

澹蕩飄香帶霧。霎時滿、西
山南浦。化雪融冰桃葉渡。
伴船遊。喚花開。催燕舞。
悄悄歸何處。可曾念、相
思情苦。總是匆匆來又去。
夢難成。獨憑闌。傷暮雨。

曾向新

〔夜遊宮・詠黃山索道〕

一纜凌空越峭。任天塹、重
巒盤道。雲海浮沈眾山小。
指青峰。點飛泉。憑嘯傲。
碧頂蓮花俏。迷煙處、奇
松縹緲。似幻還真到蓬島。
洗塵襟。伴祥雲。迎旭照。

* 優異獎及特別獎排名按姓氏筆劃序

全港詩詞創作比賽 填詞

獲獎作品

第二十二屆

全港詩詞創作比賽